



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

## JOH. HEVELII HISTORIOLA

Cometæ Anni 1683.

PLurimi sine dubio, imprimis ij, quibus Historia, Cometarum non adeo plane cognita est, haud parum mirabuntur, quod ab Anno 1680, in tribus sc. Annis tres Cometæ notabiles in cœlo affulserint, imo si accurate loquendum ipstio sc. unius Anni duo revera extiterint. Nam Anno 1682, a Mense 25 Aug. ad 17 Sep. satis conspicuus Cometa luxit; prout ex observatiunculis meis, Actis Erudit. Lips. Mense Novembr. dicti Anni insertis, videre est. Nunc rursus priusquam adhuc totus iste Annus effluxit, alius novus exortus est, quem a die 30 Julij, ad 4 Sept. ex voto observavi, & cujus Historiolam hisce, Amice Honorande, brevibus Tibi tra- do. Verum enimvero non est quod adeo miramur tres Cometas in tribus hisce elapsis Annis nobis apparuisse. Cum id pluries acciderit, quod non solum in tribus vel 4 Annis, tres & quatuor illuxerint; sed etiam spatio 5 Annorum 5 diversi & quidem maxime notabiles: Sicuti ex Historia mea Cometarum cuilibet patebit. Anno enim post natum Christum 837, ad Annum usque 840, tres; secundo, ab Anno 1312 ad 1315, quatuor; Tercio, ab Anno 1337 ad Annum 1340, tres vel quatuor; Quarto, ab Anno 1399, ad Annum 1403, quinque; Quinto, ab Anno 1531 ad Annum 1533, tres, & Sexto, ab Anno 1556, ad Annum 1560, rursus quinque in Mundi conspectum venerunt. Inter quos haud pauci horrenda & terribili specie, nec non Cauda longissima & lucida extiterunt. Imprimis de Cometa Anni 1401, diversissimi Auctores, utpote Lavatherus, Rockenbachius, Eckstormius, Ursinius Buntinus referunt, quod fuerit Magnus, horrendus, lucidus, & clarus; Cauda expansa, similis pavonis, comam erectam explicans, ignis flammantis specie, non secus ac hastam radios jacu-

culabatur, & Sole infra Horizontem demerso propriis radiis effusus, omnes Orbis terminos collustrabat, nec aliis Stellis lumen exferere concedebat, aut aerem noctis Umbra infuscar; quod ejus lumen aliorum Splendorem vinceret, & ad Cœli verticem flammam pretendetur, quam diu supra Horizontem extabat. Sicut certissimum sit & alio tempore tres & quatuor Cometas altero statim Anno se invicem subsequutos esse, aliudque Seculum præ alio, Cometis multo fuisse frugalius. Nam plerumque ab Anno sc. Christi uno Seculo ( Si tantummodo omnes & singuli ab Auctoribus fuerunt anotati ) tantum 10, 12 vel 13 extiterunt, nisi quod Seculum 13 & 14, 20 Cometas exhibuerit. Hucusque tamen omnium præcedentium Seculorum nullum plures quam proxime præcedens, 15 sc. Seculum, produxit Stellas Crinitas: quippe in eo 40 anotati sunt a Fidissimis Auctoribus hocce vero seculum currens 16 hucusque ad Mensem Octobr. Anni sc. 1683 currentis, tantummodo adhuc 15. Sidera Comata nobis in conspectum dedit. Interea tamen hocce Seculo in primis bene notandum est, quod intra Spatium unius solummodo Anni quatuor bene conspicui, utpote Anno 1618 ( uti ex Historia, tam nostra quam aliorum patet Cometarum Historia ) apparuerint Cometæ, id quod nullo alio Seculo unquam extitisse legi.

Sed, ut ad nostrum Cometam redeam, atque referam, qua occasione, quo tempore, & ubinam primum a me visus, atque observatus sit; Scias, mi Amice, postquam triplicem illam Conjunctionem Magnam Superiorum Planetarum, satis frequenter ad Junium usque, Cœlo annuente, observassem, accidit, ut continuæ pluviae, diesque Nubilosi in Mensem usque Julium obstiterint, quo Cœlum rite intueri supersus potuerim; die vero 30 Julii aere rursus depurgato, cum Speculam ascendissem, atque Stellam novam in Collo Ceti quererem, postmodum etiam faciem ad Aquilonem converterem, exinsperato obtigit mihi nihil tale quid expectanti, ut

hora vesp. 11 30 circiter Phænomenum aliquod eo quidem in Coeli loco ubinam nullæ Stellulæ valde conspicuæ existunt, nimirum in novo nostro Sydere, Trigrīde vel Lynce, quod inter Ursam Majorem, Geminos, & Aurigam situm est, & cujus maxima pars in Cancro conspicitur, eo in loco inquam, Sydus Crinitum hic Gedani deprehenderem, Caudam haud adeo longam, inter Stellam Polarem, & Cassiopeam sursum cum aliqua inclinatione exporrigenſ; Conſtituebat Lineam rectam cum ſuprema Capitis Aurigæ, & dextro humero Perſei, non minus cum ventre Urſæ Majoris, & dextro humero Aurigæ, item cum media Caudæ & latere Urſæ Majoris. Deinde Tubo 10 pedum arrepto iſtud Phenomenum contemplatus ſum, Caput erat quidem ſatis amplum, ſed materia non admodum condenſata; ſic ut nullus lucidus nucleus neque diſtincta corpuscula, ut quidem alias in plurimis aliis deprehenſum eſt, in eo apparerent; verſabatur eo ipſo tempore inter tres Stellulas ( ſed Teleoſcopio tantum viſibiles ) quæ vix 20 ab invicem removebantur Minutis, atque triangulum fere æquilaterum conſtituebant. His annotatis Sextante diverſas diſtantias ab iſto novo Cometa dimenſus ſum: Utpote a lucido latere Perſei, a latere Urſæ Majoris, & ab humero Urſæ Minoris. Hora 12 fere altitudo ejus erat  $19^{\circ} 57$ ; quantæ autem revera extiterint illæ diſtantiæ, hic nimis longum foret recenſere; cum animus tantummodo ſit hac vice breviorẽ ac generalem Hiſtoriolam Aſtrophilis tradere, reliqua omnia, ut & inter quas Stellulas ſingulis diebus viſus fuerit, in continuatione Mearum obſervationum brevi edenda reſervantur.

Die ſubſequentẽ ñ 31 Julii vesp. ab iſdem Stellis fixis Cometa debite eſt obſervatus, altus cum eſſet hor. ſc. 12. 30,  $21^{\circ} 28$ ; qui cum pede Aurigæ & Capella rectam conſtituebat. Cauda erat dilutiſſima, ac rarior quam die heſterna, ſed paulo longior.

Die

Die ☉, 1 Augusti vesp. hora 11 30', Cometa quidem per dehiscentes Nubes Tubo detectus, sed ob vapores Instrumentis minime observatus est.

Die ☿ vero 4 Augusti mane rursus Cometam a Capella, a lucido latere Persei, a latere Ursæ Majoris, & ab humero Ursæ Minoris dimensus sum; cui 4 Stellulæ, nudo oculo invisibiles, adstabant. Removebatur eo tempore tanto spatio a dextro humero Aurigæ, quanto alias distat dictus humerus a capite Hædi. Cæterum Sinistra Tibia Persei, Capella & Cometa rectam referebant. Hac nocte hora fere 2 hoc inprimis notandum occurrit, quod Venus a Stella fixa 3 magnitud., a Ventre sc. Pollucis non nisi 16' removeretur Austrum versus id quod ex Micrometro accurate comperi.

Die ♄, 6. mane, item die 11, 12, 14, & 15 vesp. ob lunæ splendorem, Nubes atque Vapores non nisi Teloscopio Cometa observatus est, accurate tamen omnitempore delineatus, quibus Stellulis erat circumdatus, & quanto spatio ab hac vel illa distabat, adeo ut locum Phænomeni nihilominus ex parte cognoscere potuerim. Cauda vero vix ac ne vix amplius sub adspectum veniebat.

Die ♄, 16 Augusti vesp. hora fere 11 Cometa inter quatuor Stellulas rursus versabatur, quarum una a parte Cometæ superiori in ipsa conjunctione non nisi 1' distabat, adeo arcte limbo adhærebat: quo tempore simul diametrum Cometæ Micrometro meo dimensus sum nimirum 6' 5" exiltere: inprimis, ut successu temporis cognoscerem, an crescat, an vero decrescat? Quæ etiam die rursus distantias a lucida & sequente in pede sinistro, nec non a lucido latere Persei, item a latere Ursæ Majoris feliciter impetravi.

Die ☿, 18 Augusti vesp. eadem distantia Sextante observatæ sunt a Cometa qui brevissimam, ac rarissimam Comam inter Capellam & Caput Hædi exporlegebat.

Die ♀ 20 Augusti vesp. ex voto iterum diversissimas di-

distantias Cometæ a fixis obtinui; inprimis jucundissimum erat, Cometam contemplari inter plurimas, ac lucidissimas fixas. Nam utroque Hædo erat vicinissimus ita ut cum his, triangulum fere æquilaterum constitueret, cujus latera fere distantiam Hædorum (quæ est 47' circ.) æquabant. Ad hæc Cometa cum Cappella & illa in planta dextri pedis Persei, triangulum æquilaterum, cujus basis erat distantia dictarum fixarum, exhibebat.

Die 7, 24 Augusti vesp. capta est distantia Cometæ a dextro humero Aurigæ, ab Alamac, a lucida in Sinistro pede Persei, & a lucida  $\gamma$ ; versabatur inter Capellam & Plejadas, sic ut a Capella & Plejadibus in eadem fere remotione videretur. Deinde Capella, Cometa, & Plejades; item Alamac, Caput Medusæ & Cometa; nec non dexter humerus Aurigæ, Cometa, & Sequens finistri pedis Persei lineam fere rectam constituiebant, in hac tamen ultima Constitutione, Cometa fere infra paulo rectam jam incedebat.

Die 8, 25 Augusti vesp. Eadem antecedentes distantia observatæ sunt, Cometa existente cum Capella, & Caput Hædi in eadem fere recta.

Die 9, 29 Augusti mane, (noctes enim antecedentes erant prorsus nubilosæ) denuo Cometam contemplatus sum in situ perquam notabili, prope Plejadas; Sic ut hora 1 5' plurimis minutissimis, & clarissimis fixis stipatus esset, nempe stellis Subiæscianis, atque a Cuspide Occidentali Plejadum sursum versus, non nisi 42' 35" removeretur. Observatus insuper est eodem tempore a dextro humero Aurigæ, a lucida  $\gamma$ , a lucido latere Persei, & a Capella.

Eadem die vesperi 29 sc. Augusti ab iisdem Stellis Cometa deprehensus est, sed longe jam promotior contra S. S. spatio sc. 24 horarum, ad quatuor fere gradus reperiabatur.

Die 30 Augusti, die 10 vesp. Cometa a Stellula quadam

dām bene conspicua non nisi 32' 41" aberat; & cum Musca & in basi Trianguli, deinde etiam cum præcedente in Pede, & illa in genu Persei lineam constituebat rectam. Ad hæc a plurimis fixis Sextante quoque observatus est.

Die 2<sup>æ</sup>, 2 Sept. mane Cometa inter Plejadas & Nodum lini versabatur, constituens lineam rectam cum Musca & lucida Mandib. Ceti; & cum infima in armo 8, & Mandibula triangulum fere æquicrurum, cujus vertex dicta erat Mandibula. Præterea quoque lineam referebat rectam cum duabus in fronte Ceti, tum tanto fere spatio ab Occidentaliore distabat, quam alias utraque ab invicem removentur. Prout ex observatis distantis Sextante captis clarius patebit.

Hac die iterum diametrum Cometæ Capitis Micrometro diligenter dimensus sum, ut rite explorarem, an diameter ejusdem adhuc esset magnitudinis, an cresceret, an vero decresceret? Erat autem Cometæ diameter die 16 Augusti eodem Micrometro obtenta tantummodo 6' 5"; hodie vero iam 9' 7"; sic ut notabiliter spatio 17 dierum creverit. Non nemo diceret id factum esse, quod in ultima Observatione vicinior multo fuerit Terræ. Atque ideo clarius & lucidius caput exhibere debebat, præsertim si corpus esset æternum ( ut quidam statuunt ) quod rursus certo tempore, absoluto suo circulo, nobis in Conspectum redit. Sed e contrario caput longe obtusius, rariusque ultimo exitit, sic ut distinctissime notari potuerimus, materiam Capitis sensim se se dissolvere, id quod autem multo melius cum nostra convenit hypothesi.

Postremo, die 3<sup>æ</sup>, 4 Sept. mane ex voto Cometam observavi, videbatur in linea existere recta cum illa in fronte Occid. Ceti, & lucida v; item cum illa in Ore & Mandibula Ceti; adhuc fere triangulum æquilaterum cum illa in ore, & ad Genam Ceti constituebat. De cætero autem exoptato mihi exitit, quod non solum  
suf-

sufficientes distantias pro vero loco ex Calculo eruendo, sed etiam Cometæ altitudinem Meridianam in Austro, exactissimo Quadrante hora videlicet matutina 3 40' fere, nimirum  $38^{\circ} 15'$  esse, impetraverim.

Posthac, diebus subsequen- tibus, quoties Cœlum tantummodo annuit sedulo quidem illum quæsi- vi, sed ob vicinitatem, ejusque splendorem, vaporesque circa Horizontem crebriores, haud illum amplius deprehendere potui, ut ut ad 12 Septembr. supra nostrum Horizon- tem adhuc extiterit: prout ex subsequente Tabe- la ejusque motu diurno liquidum est.

Ultimo, Mi Astrophile, etiam si graviora studia, qui- bus quotidie occupatus, haud concefferint, universas meas hujus Cometæ observationes Calculo sub- jicere, nihilominus, quantum fieri licuit, rudiori Minerva, Ti- bi sub adspæctum ponam, quo loco, secundum longitu- dinem & latitudinem, in quavis observatione & die ex- titerit, & qua ratione motus ejus diurnus contra seriem Signorum creverit; nec non ad certos dies, quanta fue- rit Cometæ Declinatio & Ascensio Recta.



**TABULA Cometæ Anni 1683, Longitudinem, Latitudinem, Motum diurnum, Declinationem, & Ascensionem Rectam, a Die 30 Julii, ad 4 Septem. exhibens.**

Menf. Dies.	Longitudo.			Latitudo sc.			B. Motus diurnus.		Declinatio.		Ascens. Rect.	
	o	i	s.	o	i	A.	o	i	o	i	o	i
Julii	30	7	0	69	29	15	B		51	30	B	100 0
	31	6	25		29	0		0 42				
August.	1	5	45		28	45		0 44				
	2	5	0		28	30		0 46				
	3	4	10		28	15		0 48				
	4	3	20		28	0		0 50	51	40	B	96 0
August.	5	2	20	69	27	45	B	0 52				
	6	1	20		27	30		0 54				
	7	0	20		27	15		0 56				
	8	29	20	II	27	0		0 58				
Aug.	9	28	20	II	26	40	B	1 0				
	10	27	20		26	20		1 2				
	11	26	20		25	55		1 4				
	12	25	20		25	30		1 6				
Aug.	13	24	20	II	25	0	B	1 8				
	14	23	20		24	30		1 10				
	15	22	20		24	0		1 12				
	16	21	10		23	20		1 14	46	0	B	77 0
Aug.	17	19	20	II	22	30	B	1 19				
	18	17	40		21	30		1 25	44	0	B	73 30
	19	16	0		20	30		1 35				
	20	14	20		19	15		1 45	41	0		69 30
Aug.	21	12	20	II	18	0	B	1 55				
	22	10	20		16	45		2 5				
	23	8	20		15	30		2 15				
	24	6	20		14	15		2 25	35	0		60 40
Aug.	25	3	50	II	12	45	B	2 40				
	26	1	5		11	0		2 55				
	27	28	15	8	9	0		3 10				
	28	25	15		6	30		3 25	24	30		51 0
Aug.	29	22	15	8	4	0	B	3 40	21	30		48 30
	30	18	55		1	30		3 55	18	0		45 40
	31	16	25		1	0	A	4 5				
Sept.	1	12	55		3	30		4 20				
Sept.	2	9	55	8	6	0	A	4 40	10	30		40 0
	3	6	25		8	40		5 5				
	4	2	35	8	11	20	A	5 30	1	30	B	34 0

Ex quibus nunc luculenter videre est, Cometam hunc continuo contra S. S. incessisse, ex lynce videlicet seu Trigride ( quod Sydus ego primum cum aliis decem, in novos meos transtuli Globos ) per Aurigam, Taurum ad caput usque Ceti; hoc est ex  $7^{\circ}$  Cancri ( ubi 30 Augusti primum a nobis visus ) per Geminos, 30  $\gamma$  usque ; Sic ut in Ecliptica  $63\ 55'$ , in sua vero orbita,  $74\ 35'$  ( nimirum a 30 Augusti ad 4 Sept. ) peragraverit. Sub angulo videlicet Orbitæ & Ecclipticæ  $39$  fere gradum, sub angulo vero Orbitæ & Æquatoris  $56$ . latitudo initio  $29\ 15'$  Boreal. & ultimo  $11\ 20'$  Austral. extitit, adeo ut ad  $41^{\circ}$  fere gradus eam variaverit. Si luna non fuisset pernox, nec adeo ei vicina ultimo, tum noctes extitissent serenæ perfecto adhuc diutius nempe ad 12 Sept. usque illum observassem: prout ex ejus Altitudine Meridiana, motu, & diurno, quem in ultima observatione exercuit, satis superque patet.

De Capite hæc notandum habeo, quod initio, quoad diametrum, longe minus quam ultimo ; e contrario initio longe lucidius, quam circa finem extiterit ; nullos tamen distinctos & fulgentes nucleos, prout in plurimis videre nobis obtingit exhibuerit, sed confusam materiam, & circa finem multo tenuiorem Jure hic Cometa ( cum plerumque absque omni Cauda visus ) inter sidera Comata, vel crinita, sive inter Barbata & Hircos refertur. Nam non nisi ad 18 Aug. brevissimam & dilutissimam Comam sursum versus exporrigebat; quæ postmodum vero omnino evanuit.

Quibus & quam diutissime valeas, Amice plurimum Honorande, animitus præcor; nihil potius exoptans, quam ut possim gravioribus quibusdam studiis, pro meo modulo a deo concessis, in Astronomiæ commodum, ac incrementum Astrophilis inservire. Dabam Gedani Anno a nato Christo 1683 st. n. ipso die Æquinoctij Autumnalis, Sole existente in Meridie alto  $35\ 27'$  Quad: parv. Orich.

Tuus.

ex Animo

J. Hevelius.

De